

**UNTUK SIARAN SEGERA**

**KENYATAAN MEDIA**

**SWM ENVIRONMENT AGIH 7,872 PEK SWM KASIH COVID-19**

---

**SEREMBAN, 14 OKTOBER 2020 – SWM Environment Sdn. Bhd. (SWM Environment)** meneruskan usaha penerapan norma baharu dan memastikan pematuhan peraturan pemakaian pelitup muka dalam kalangan 7,872 orang anggota kerjanya di Negeri Sembilan, Melaka dan Johor melalui pengagihan sumbangan Pek SWM Kasih COVID-19.

Ketua Pegawai Eksekutif, Ho De Leong berkata, sumbangan berbentuk barang-barang yang bertujuan membantu dalam mengurangkan risiko pendedahan kepada jangkitan serta berguna dalam penjagaan kebersihan diri seperti pelitup muka, pensanitasi tangan dan barangan kebersihan diri anti-bakteria diagihkan setelah memperhalusi keperluan warga kerja SWM Environment untuk melalui kehidupan seharian semasa penularan pandemik COVID-19 yang kembali meningkat.

Jelas beliau, sumbangan melalui entiti tanggungjawab sosial korporat (CSR) syarikat iaitu SWM Kasih ini merupakan inisiatif sampingan bagi menyokong Langkah Perlindungan dan Pencegahan COVID-19 yang dilaksanakan secara berterusan sejak bulan Februari lalu dalam memastikan seluruh warga kerja SWM Environment terutama anggota di barisan hadapan perkhidmatan perlu (*essential service*) terhindar daripada risiko jangkitan.

Menurut beliau, pihak SWM Environment telah mula melaksanakan inisiatif SWM Kasih COVID-19 sejak bulan April yang lalu dengan sumbangan disalurkan kepada golongan pekerja syarikat berpendapatan rendah (B40). Tambahnya, penerima manfaat inisiatif SWM Kasih berkenaan telah diperluaskan kepada warga kerja SWM Environment dan kontraktor bagi menghargai peranan mereka sebagai *frontliner* kebersihan Negara.

Sementara itu, pihak SWM Environment komited untuk memastikan pematuhan Tatacara Operasi Standard (SOP) yang telah ditetapkan oleh pihak Kerajaan dalam memutuskan rantaian pandemik COVID-19. Justeru itu, beliau menyeru agar masyarakat umum untuk bersama-sama memutuskan rantaian pandemik berkenaan khususnya dengan melupuskan sisa pelitup muka secara tertib bagi menghindarkan risiko penyakit berjangkit.

**- TAMAT -**

## FAKTA

### SWM ENVIRONMENT SDN. BHD.

SWM Environment Sdn. Bhd. (SWM Environment) telah dilantik pada tahun 1995 di bawah perjanjian konsesi di bawah Akta Pengurusan Sisa Pepejal dan Pembersihan Awam Negara 2007, yang bertanggungjawab terhadap pengurusan sisa pepejal dan pembersihan awam di Johor, Melaka dan Negeri Sembilan.

SWM Environment mempunyai tenaga kerja seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: [www.swmenvironment.com](http://www.swmenvironment.com).

Dalam usaha mengurangkan sisa janaan ke tapak pelupusan sampah, SWM Environment secara aktif memberi sokongan padu kepada Kementerian Perumahan dan Kerajaan Tempatan (KPKT) dalam mempromosikan program-program alam sekitar yang berimpak tinggi seperti Pengasingan Sisa Di Punca (SAS), kitar semula dan pengomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjaran, KITAREcycle di tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan terima mata ganjaran untuk 25 jenis barangan kitar semula termasuk kertas, tin aluminium, plastik, sisa elektrik dan elektronik. Mata ganjaran yang terkumpul boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle dari *Google Play*. Sila layari laman web: [www.kitarecycle.com](http://www.kitarecycle.com) untuk mendapatkan maklumat lanjut.

Untuk keterangan lanjut, sila hubungi :

**Puan Nurul Liza Binti Mohd Najib**

Penolong Pengurus, Jabatan Komunikasi Korporat & Hal Ehwal Kerajaan

SWM Environment Sdn. Bhd.

(Tel) 06-6014280/ 012-684 7168

(Emel) [nurulliza.najib@swmsb.com](mailto:nurulliza.najib@swmsb.com)